


Biblia alang sa Kabataan motanyag

Ezekiel: Ang Tawo nga may Panan-awon



Gisulat ni: Edward Hughes

Gihulagway ni: Lazarus
Alastair Paterson

Gipahaom ni: Ruth Klassen

Gihubad ni: Mel Lorell Abugho,
Cheryn Mabano Abugho


Gipagawas sa: Bible for Children
www.M1914.org

©2024 Bible for Children, Inc.

Pagtugot: Mahimo kang mokopya o mopatik niini
nga estorya, ayaw lang ibaligya.

Dugay na kanhi, giatake sa gamhanang kasundalohan
ang Juda, nga nagdalag daghang katawhan sa Diyos
balik sa Babilonya ingong mga binihag. Halayo
sa balay, kining mga Hudiyo nagpuyo tupad
sa suba sa Kebar. Lakip
sa ila mao ang alagad sa
Dios, ang propeta

na si
Ezequiel.



Isa ka adlaw, gihatagan sa Diyos si Ezequiel ug panan-awon. Ang himaya sa Diyos nagpakita ingon sa usa ka masanag nga kahayag, sa dagway sa upat ka nagdilaab nga buhing mga binuhat. Ang matag usa may upat ka nawong ug upat ka pako. Sa ibabaw nila mao ang usa ka matahum nga trono nga zafiro, nga puno sa kahayag sama sa nagdilaab nga mga balangaw. Sa pagkakita ni Ezequiel niini,

natumba siya.

3


Ang Dios nakigsulti kang Ezekiel. "Ipadala ko ikaw ngadto sa mga anak sa Israel. Isulti ang akong mga pulong ngadto kanila, kay sila mga masukihon." Usa ka kamot ang nagpakita, nagkupot ug linukot nga basahon. "Kan-a kining linukot nga basahon," miingon ang Diyos, "ug lakaw, pakigsulti sa balay sa Israel." Unsa ka tingad-an nga sugo! Apan si Ezekiel mituman, gikaon ang linukot nga basahon ug miadto.

4

Gibayaw sa Espiritu sa Diyos si Ezequiel ug gidala siya ngadto sa binihag nga mga Hudiyo nga nagpuyo sa laing dapit sa daplin sa Suba sa Kebar. Sa sulod sa pito ka adlaw naglingkod siya kung diin sila naglingkod, nga nahibulong sa iyang nakita. Unya gihimo sa Diyos si Ezekiel nga usa ka magbalantay. Kinahanglang pasidan-an niya ang daotang mga

tawo sa dili pagsupak sa Diyos.

5



Si Ezequiel mihimo ug daghang katingad-an nga mga butang aron sa

pagpatin-aw sa pulong sa Dios ngadto sa mga tawo. Iyang gikuniskunis ang usa ka hulagway sa Jerusalem diha sa usa ka piraso nga lapok. Tingali ang mga tawo mitan-aw sa iyang abaga samtang nagdibuho siyag mga larawan sa usa ka gamhanang kasundalohan libot sa Jerusalem. Iyang gipakita nga ang balaang siyudad sa Diyos sa dili madugay maguba kini.

6

Ang Israel, ang amihanang gingharian, misupak sa Diyos sulod sa 390 ka tuig, ug ang Juda, ang habagatang gingharian, sulod sa 40 ka tuig. Mao nga ang Israel kay naguba na ug nganung ang Judah sa dili madugay mapukan na.


Gisultihan sa Diyos si Ezequiel sa paghigda sa iyang wala nga kilid sulod sa 390 ka adlaw, unya sa iyang tuo nga kilid sulod sa 40, aron sa pagpahinumdom sa mga tawo sa ilang mga tuig sa sala.

7

8




Tingali ang mga tawo nagsugod sa paghunahuna nga si Ezekiel usa ka talagsaon nga tawo. Gibuhat niya ang tanan nga gisulti sa Dios kaniya. Usa ka adlaw niana, gikiskisan niya ang iyang buhok ug gisunog ang ikatulo nga bahin niini. Kini aron ipakita nga ang ikatulo ka bahin sa katawhan sa Jerusalem mamatay sa sakit ug gutom sa dihang sulongon sa kasundalohan sa Babilonya ang siyudad.



9


Gikuha ni Ezekiel ang ikatulo nga bahin sa iyang buhok ug giputol kini sa espada. Kini aron ipakita nga ang ikatulo nga bahin sa mga tawo mamatay pinaagi sa mga espada sa kaaway. Ang kataposang ikatulo, si Ezekiel mikaylap ngadto sa hangin. Apan gitahi niya ang pipila ka mga buhok sa sidsid sa iyang sapot isip timaan nga luwason sa Diyos ang pipila sa



Iyang katawhan ug ibalik sila sa yuta nga Saad.


10

Kining maisogon nga propeta misulti sa binihag nga mga Hudiyo nga ang mga butang mograbe pa, dili mas maayo sumala sa ilang gidahom. Ang mga tawo nasuko kang Ezequiel, apan siya nagpadayon sa pagsulti sa Pulong sa Diyos.




11

Usa ka adlaw niana, samtang naglingkod siya uban sa mga katigulangan sa Israel, ang Dios mihatag kang Ezekiel ug usa ka panan-awon. Diha sa panan-awon, gibayaw siya sa Dios pinaagi sa iyang buhok ug gidala ngadto sa templo sa Jerusalem.




12

Sa Templo, gipakita sa Diyos si Ezequiel nga nagkamang nga mga butang, mahugaw nga mga mananap, ug mga dios-dios. Dili unta kini maana sa Templo sa Diyos.




13

Ang mga pangulo nagsimba niini imbes sa Dios. Gipakita usab sa Dios si Ezekiel nga ang Iyang Himaya mobiya sa Templo ug kini pagalaglagon. Sa dihang nahuman ang panan-awon, gisultihan ni Ezequiel ang mga Hudiyo bahin niini.




14




Ang tanan nga gisulti sa Dios natuman. Ang Jerusalem gilaglag. Daghang mga tawo ang nangamatay. Sa diha nga ang mga Judio nga nabihag sa Babilonia nakadungog niini, sila nahibulong kon ang Dios nagtugyan sa Iyang katawhan sa walay katapusan.

15




Apan ang Dios mihatag ug laing mensahe ngadto sa Iyang propeta. Iyang gidala si Ezequiel ngadto sa walog nga puno sa uga nga mga bukog -

mga bukog sa tawo.




16

"Anak sa tawo, mabuhi pa ba kining mga bukoga?" Nangutana ang Dios kang Ezekiel. "O GINOONG Dios, nahibalo ka," mitubag si Ezekiel. Siyempre ang uga nga mga bukog dili na mabuhi pag-usab.




17

Ang GINOO miingon, "Tagnaa niining mga bukoga, ug ingna, 'O mga uga nga bukog, pamati sa pulong sa Ginoo! Mabuhi ka.'" Sa dihang mituman siya, si Ezequiel nakadungog ug kasaba. Unsa sa imong hunahuna ang hinungdan niini?




18

Samtang ang propeta nagtan-aw sa katingala, ang mga lawas nagkahiusa sa bukog sa bukog.




19

Unya, ang unod miabut kanila.




20

Ug ang panit mitabon kanila, apan walay gininhawa diha kanila.




21

Ang Ginoo miingon, "Panagna, anak sa tawo ug ingan 'Umari ka gikan sa upat ka hangin, Oh gininhawa. Ginahawa niini aron sila mabuhi.'" Sa pagbuhat niini ni Ezequiel, ang gininhawa misulod kanila. Nangabuhi sila, ug nanagtindog sa ilang mga tiil. Usa ka dakong kasundalohan karon ang mipuno sa walog.



22

Nahibaluan sa Diyos nga ang mga Judiyo sa Babilonia mibatig walay paglaom sa dihang napukan ang Jerusalem. Nagpadala siyag mensahe pinaagi sa panan-awon ni Ezequiel. "Kining mga bukoga mao ang tibuok balay sa Israel," miingon ang Diyos. "Ibutang ko ang akong Espiritu diha



kanimo, ug ibutang ko ikaw sa imong kaugalingong yuta."

23

Pagkadakong mensahe sa paglaom gikan sa Diyos! Ang mga saad sa Diyos pinaagi kang Ezequiel natuman sa dihang ang mga Hudiyo sa ulahi mibalik sa ilang kaugalingong yuta. Nasayod sila nga ang GINOONG Dios ang



nagdala kanila sa ilang balay. Ang Pulong sa Diyos kanunayng matuman.

24

Ezekiel: Ang Tawo nga may Panan-awon
Estorya gikan sa Pulong sa Dios, ang Biblia,
makita sa
Ezequiel

"Ang pag-abot sa Imong mga Pulong nagahatag og kahayag." Salmo 119:130

25

Ang Kataposan

29



60

26

Kini nga estorya gikan sa Biblia nagasulti kanato bahin sa kahibulongan nga Dios nga nagbuhat kanato ug gusto Niya nga kita makaila Kaniya.

Nahibalo ang Dios nga nakabuhat kitag daghang daotan. Gitawag Niya kini nga sala. Kamatayon ang silot sa sala. Pero nahigugma pag-ayo ang Dios kanato. Iyang gipadala ang bugtong Niyang Anak nga si Jesus aron mamatay sa Krus ug silotan tungod sa imong mga sala. Unya nabanhaw si Jesus ug mibalik sa Langit! Kon motuo ka kang Jesus ug mohangyo nga pasayloon ka sa imong mga sala, himoon kana Niya! Moanha Siya ug mopuyo sulod kanimo karon, ug mopuyo ka uban Kaniya hangtod sa kahangtoran.

Kon motuo ka nga kini ang tinuod, ingna ang Dios:
Ginoong Jesus, ako nagatuo nga Ikaw Dios, ug nahimong tawo aron mamatay alang sa akong mga sala, ug karon Ikaw nabuhi pag-usab. Anhi sa akong kinabuhi ug pasayloa ang akong mga sala, aron mabag-o ang akong kinabuhi karon, ug unya makig-uban ako Kanimo hangtod sa kahangtoran. Tabangi ako nga motuman Kanimo ug magkinabuhi alang Kanimo ingon nga Imong anak. Amen.

Basaha ang Biblia ug pakigsulti sa Dios kada adlaw! Juan 3:16